

宋真宗御製玉京集卷之四

宮四

天既節表二道

三清

臣名言向者紫壇潔祭將建於元封綠字降祥實昭於景既肇新佳節用顯靈期曾極降康紹膺於多福璿璣仰察復屆於今辰況施永懷誠明益勵臣無任感幸激切之至謹奉表稱謝以聞臣名誠感誠慶頓首頓首謹言

玉皇

臣名言向者日觀建封將成於大典河圖錫祐遠顯於鴻禧紀丕應於元辰肇嘉名於今節寅威之志故夙夜以無忘保乂之祥屬歲時而斯浹益期齋慄用答顧懷臣無任感幸激切之至謹奉表稱謝以聞臣名誠感誠慶頓首頓首謹言

謝上尊號表二道

天

臣名言臣虔議升中用伸報本勉從群望祇受崇名仰荷天休俯增夕惕臣名誠感誠幸頓首頓首謹言臣繼臨大寶嗣撫群生願懇

寡昧之姿克致隆平之治蓋三辰之垂祐俾百福以咸宜由是恭答元符奉陳封祀春言率土固薦徽稱載探令辰允膺茂典由宵旰之降鑒成德兆之樂推敢不益勵小心愈勤昭事思上壽於顧設唯下泰於蒸黎臣無任

齋慄戰汗激切之至謹奉表稱謝以聞臣名誠感誠慶頓首頓首謹言

玉皇

臣名言伏以高明垂視用協於無私歷數會昌允鍾於有德玄休俯洽徽號爰增雖仰荷於慶靈實內懸於寡昧竊念臣誕膺景貺嗣守成基賴宵旰之春懷奉祖宗之謀訓夙宵自勵小心常畏於三辰遐邁祖康至治未臻於萬彙屬以青陽叶吉黃素垂文式醺元命之符度採上封之議非敢揚於盛節但期答於洪禧豈意斑白群黎指紳庶尹封章並獻稱謂載加顧溢美以為虞匪當仁而可處屢形敦讓靡奪輿情又念儀天尊道之名蓋施於昭事寶應章感之首寔契於降祥難運因辭遠從祇受埃克終於祀禮方事舉於冊書

輒伸薦告之文庶達實恭之志永惟涼薄漸不迨謹奉表啓謝以聞臣名誠感誠懼頓首頓首謹言

謝偃兵表二道

玉皇

臣名言臣自纘丕圖常虞黷武非因式過於寇亂未嘗輕舉於甲兵載念先后開基中區未靖每興薄伐止為弔民今則穿壤春懷書文無外集茲成命屬于冲人祗慄內增寤寐無措是以俯伸精懇仰謝鴻靈伏冀昭介社於祖宗示降祥於冲眇勵至誠而有翼敷丕應而無垠臣無任知感祈恩激切屏營之至謹奉表奏告以聞臣名誠惶誠懼頓首頓首謹言

聖祖天尊大帝

臣名言臣恭承丕歷常戒佳兵苟當疆場之無虞未嘗戈甲而先舉載念兩朝創統諸夏未康每興薄伐之師蓋徇後來之志今則慶靈所祐區宇大同擬以眇躬續茲鴻緒內惟戰慄交集衷心敢罄精誠用伸昭謝伏望降

積於二后介祉於沖人啓勵由東誕期不應
無任精虔激切之至謹奉表奏告以聞
名誠惶誠懼頓首頓首謹言

為三聖新謝表二道

玉皇

名言臣祗荷鴻明紹臨縣寓好生之德常
稟於高穹顯武之譏敢忘於古訓蓋每因於
禦敵乃暫動於興師載念二后御圍四方未
一蒸黎無告即用軫憂戰伐伸威止期平亂
實靡佳兵之志本懷濟物之心今則萬域攸
同三神所祐追念干戈之未戢諒惟寤寐以
責躬伏願敷介福於祖宗錫純禧於沖眇申
衷之感增夕惕以交深不宰之仁佇天祺而
斯洽無任精虔激切之至謹奉表奏告以
聞名誠惶誠懼頓首頓首謹言

聖祖天尊大帝

名言臣內惟源薄祗紹慶靈法天道而子
民好生是務肆威武而樂戰誓志不為尋常
興師莫非應敵載念祖宗創業書軌未同俯
徇猥來雖伸於薄伐暨當克勝即用於懷柔

志本異於佳兵心但期於拯溺今則上曼敷
佑浹寓大虞追思未息於干戈或慮莫分於
玉石是以虔伸精意願佇鴻禎伏望福二后
於上仙庇沖人於鑽服罄輪丹膺祗謝皇明
恭惟察懇惻之心靡忘於寤寐錫紛綸之祉
永佑於家邦無任祈恩懇禱激切之至謹
奉表奏告以聞名誠惶誠懼頓首頓首謹
言

祈雨表一道

玉皇

名言伏以災沴之生信由於人事精誠所
至必動於靈心竊念臣獲嗣丕基實慙昧道
徒懷惕勵罔致和平願雨澤之久愆慮農耕
之失望雖再形於懇禱尚未克於感通登履
不違鑿寐無措三辰垂戒蓋德教之有虧九
穀靡登在蒸黎而可念是以重形悃悃仰祈
高明伏願息鳴鳶之風駐難旱之月流滋鴻
澍餘彼嘉生剪爪之勤故弗違於終日膚寸
之潤期普濟於大田無任精虔激切之至
謹奉表奏告以聞名誠惶誠懼頓首頓首

謹言

謝雨表二道

玉皇

名言臣聞風雨不時誠由於寡昧乾坤垂
佑乃致於感通竊以獲嗣慶基未臻至治
刑政有失早曠為災民將廢於春耕心實增
於夕惕是以屢伸精禱庶格靈休果膏澤以
應期俾原田而無害此蓋高明顧諟博厚春
懷豈涼德之可當諒群生之共荷既需既足
俯運於度祈克儉克勤愈懷於祗畏冀周達
於勵翼用昭答於鑒觀無任感幸激切之
至謹奉表稱謝以聞名誠感誠慶頓首頓
首謹言

又

名言伏蒙聖德特賜降雨者聞風雨不
時誠由於寡昧乾坤垂祐乃致於感通
誠歡誠慶頓首頓首伏念臣獲嗣丕圖未臻
至治刑政有失早曠為災纒露精誠普施甘
雨此蓋睿慈委曲聖眷彌隆豈涼德而可當
諒群生而同慶得觀豐稔樂上瑞於寰區更

勸實恭思少酬於生育日無任感恩荷聖歡
忭榮懼之至謹奉表稱謝以聞日名誠歡誠
慶頓首頓首謹言

又祈雨表四道

玉皇

臣名言近以亢陽為沴甘雨未霑慮有損於
嘉生致莫登於善歲仰瞻層宙備形顯苦之
懷俯濟大田靡獲霈然之應敢再伸於精意
庶克動於靈心俾鴻澍而允諧使中時而協
望凌兢斯積鑿佑期臻日無任精虔激切之
至謹奉表奏告以聞日名誠惶誠懼頓首頓
首謹言

又

臣名言近以甘澤未霑大田慮損倉箱之望
莫保於順成夙夜之心靡違於尊處是以仰
瞻環極疊貢精衷伏望洞鑒誠明誕敷福應
俾驕陽之退舍使嘉雨之順時濟平秩之民
克諧於善熟各無疆之祐敢急於實感日無
任精虔激切之至謹奉表奏告以聞日名誠
惶誠懼頓首頓首謹言

聖祖天尊大帝

臣名言近以自屆春時頌德十雨永言嘉事
慮爽千箱雖仰叩於清都尚未霑於鴻靈俯
慙涼薄益用兢心再禱慶靈虔思孚祐俾其
際之斯降庶既溥而可諧允獲朝濟敢渝夕
惕日無任精虔激切之至謹奉表奏告以聞
臣名誠惶誠懼頓首頓首謹言

又

臣名言近以仄管言新油雲罕布祁祁之澤
莫潤於原田芄芄之苗慮傷於億屢雖慶靈
而仰叩願霑洽而未諧伏望俯照至虔誕降
至應俾茲零雨濟彼中疇夙夜之心實戰兢
而無措紫清之既庶昭感而有孚日無任精
虔激切之至謹奉表奏告以聞日名誠惶誠
懼頓首頓首謹言

為火罪已表一道

天

臣名言伏以高明降顧實賴諸仁冲眇承基
宜忘罪已中謝竊念日雖城後夜烈焰延焚
火禁不修致震蕩之斯作政維內省乃祗畏

而文增今則寤寐載思啓處無措敢述宣於
丹抱俟臨鑒於層宇日無任戰兢憂惶激切
之至謹奉表待命以聞日名誠恐誠懼頓首
頓首謹言

謝降天書表一道

天

臣名言日嗣守慶基獲膺股命當上春之旭
旦受大帝之祥符靈貺存臻丹衷增惕日名
誠惶誠恐頓首頓首伏念日猥以涼薄實奉
宗祧幸一紀于茲荷庶邦咸入撫綏黎獻祇
畏亨玄慮政之未孚懼德之弗類常加勸翼
罔敢怠違豈謂蒼昊儲祥高真降鑒爰因獻
歲之始特垂秘籙之文諭以十世之延長誨
以為治之清靜周旋戒勗俯伏震驚日敢不
上奉神休恭膺純錫虔守大中之道用康率
土之民益誓精勤少酬覆露日無任懇禱激
切之至謹奉表稱謝以聞日名誠感誠慶頓
首頓首謹言

謝東封禮畢表一道

天

臣名言近者寶錄儲祥代宗展禮荷洪休之
載洽俾茂典以無違臣誠感誠幸頓首頓首
伏念臣嗣守成基撫臨寓縣內循寡薄莫庇
蒸黎徒傷厲以自勤何施德教願治平而僅
致實繁明靈屬祕檢之下臨因與民之上請

爰登喬敷用答元符薦蒼璧而真黃璋指誠
雖竭宿百神而來萬國神眇既慙敢期雲起
於園封尚虞雨至於中既今則泥金告畢塵
玉言終盛禮咸宣殊禎顯應六勝初往免迷
駕於襄城七萃來歸克受釐於宣室非高明
之眷佑豈福祉之誕膺唯當勵翼君臨憂勤
子育庶阜安於品物用昭報於穹昊臣無任
祗畏戰汗屏營之至謹奉表稱謝以聞臣名
誠感誠慶頓首頓首謹言

謝上二聖謚號表一道

天

臣名言 恭答元符登封神徽神嚴配於宮
壤增尊謹於祖宗盛禮載揚景靈是荷臣名
誠感誠幸頓首頓首謹言 願慈涼德嗣守
成基俯履隆平仰懷錫羨是以勉從興職慶

舉上儀陳裡祀於喬峯華崇大報益徽名於
清廟用展孝思伏願眷佑下臨典章克振獲
諧遠之志克膺降鑒之明敢不實畏居心
憂勤思治庶保綏於萬國期對越於三辰臣
名無任齋慄戰汗激切之至謹奉表稱謝以
聞臣名誠感誠慶頓首頓首謹言

謝秋成表一道

玉皇

臣名言 聞庶彙生成並繫於妙道三天政
令咸稟於虛皇既福應以攸彰實降祥而允
頌風慙涼德獲嗣成基百姓為心常思於
惠養一夫失所豈敢於違寧由休惕以疚懷
致杳冥而垂佑瞻言南畝方屆中秋望毒毒
之原田盈芄芄之穡事為水為旱雖申儆於
冲人如茨如梁寔無愆於多稼允致豐年之
上瑞用安比屋之蒸黎此蓋正直儲靈高明
降監由元和之交感俾嘉應以昭宣敢不履
薄增虔乘奔積懼俯慎君臨之道仰符子育
之仁臣無任感幸激切之至謹奉表稱謝以
聞臣誠感誠慶頓首頓首謹言

謝今歲無事表二道

天

臣名言 獲以寡昧恭紹慶靈祇長三神雖
小心而罔舍在宥萬國顯明德以多慙今者
杓建云周湯春俯屆嘉生允植善氣交臻蓋
宮貝之儲靈故黔黎之集福敢不益思齋潔
用答願懷若屬之誠既夙宵而增惕紹至之
祐期匪夏以膺常臣無任感幸激切之至謹
奉表稱謝以聞臣名誠感誠慶頓首頓首謹
言

三清

臣名言 獲守丕基有懋威德乘奔之志唯
戒於怠違降鑒之明誕昭於顯誕今以言周
斗建肇屆天正疵癘靡興封疆絕警祇荷九
陽之眷佑用諧萬國之晏寧恭答慶靈愈增
虔敬期明微之紹至俾庶彙以常康登露精
衷行迥嘉應臣無任感幸激切之至謹奉表
稱謝以聞臣名誠感誠慶頓首頓首謹言

謝天慶節表三道

天

